

Axudas de mobilidade Erasmus+ para realizar a FCT dos ciclos de grao medio no estranxeiro, no período abril-xuño de 2025

- Dirixidas a alumnado do IES Perdouro matriculado actualmente no segundo ano dun ciclo formativo de grao medio
- Período de prácticas de 11 semanas en países da UE
- Solicitude desde o día 12 ao 19 de novembro de 2024, ambos incluídos.

As estadias de prácticas laborais en empresas do estranxeiro ofrécenche unha gran oportunidade para mellorar a túa competencia lingüística, as túas opcións de empregabilidade e perspectivas laborais e persoais, así como a túa participación máis activa na sociedade.

O IES Perdouro xestiona estas axudas como membro do consorcio de mobilidades KA121 promovido pola Dirección Xeral de F.P. para o desenvolvemento do Proxecto Erasmus+ con número 2023-1-ES01-KA121-VET-000147461.

O proxecto, cun orzamento de 498.911,00€, permitirá mobilidades destinadas ao alumnado dos ciclos de grao medio.

Vantaxes de realizar unha estadia de prácticas no estranxeiro

Os mercados (tamén o laboral) están cada vez máis globalizados e as empresas operan cada vez máis no ámbito internacional. Por iso, os requirimentos que se lle piden ao cidadán e ao traballador do século XXI están en sintonía con esta circunstancia. Hoxe en día, a empregabilidade dos traballadores inclúe de xeito moi importante a súa capacitación para viaxar, vivir e traballar no estranxeiro ou simplemente para manter relacións profesionais a nivel internacional.

As estadias de prácticas no estranxeiro apórtanlle á persoa un conxunto de aptitudes de gran valor, como son, entre outras, as seguintes:

- Aprendizaxe ou perfeccionamento doutras linguas
- Madurez e seguridade a nivel persoal e profesional,
- Capacidade de viaxar e de desenvolverse no estranxeiro
- Capacidade de resolver problemas da vida real de forma autónoma.
- Coñecemento e respecto doutras formas de vida e costumes
- Confianza en si mesmo/a para tomar a decisión de desprazarse a outro país para vivir e traballar.

1. Contías e criterios de distribución das axudas de mobilidade

Os importes das axudas varían segundo o país no que se realizan as mobilidades e compóñense dun importe para manutención e outro para os custos de desprazamento de ida e volta.

Os importes de manutención aprobados polo Programa Erasmus+ (convocatoria 2020) son os que figuran na seguinte táboa, dependendo do país:

	Países de destino/Manutención	Apoio individual por día (do 1 ao 14)	Apoio individual por día (do 15 ao 365)
Grupo 1	Noruega, Dinamarca, Luxemburgo, Islandia, Suecia, Irlanda, Finlandia, Liechtenstein Terceiros países non asociados ao programa Erasmus+ do grupo 1	66 €	46 €
Grupo 2	Países Baixos, Austria, Bélxica, Francia, Alemaña, Italia, España, Chipre, Grecia, Malta, Portugal Terceiros países non asociados ao programa Erasmus+ do grupo 2	57 €	40 €
Grupo 3	Eslovenia, Estonia, Letonia, Croacia, Eslovaquia, Chequia, Lituania, Turquía, Hungría, Polonia, Romanía, Bulgaria, Macedonia do Norte, Serbia Terceiros países non asociados ao programa Erasmus+ do grupo 3	48 €	34 €

A seguinte táboa indica os importes das axudas para contribución aos custos de viaxe dos participantes desde o seu lugar de orixe ata o lugar onde se desenvolva a actividade (ida e volta).

*Distancia	Importe
Entre 10 e 99 km	23 €
Entre 100 e 499 km	180 €
Entre 500 e 1.999 km	275 €
Entre 2.000 e 2.999 km	360 €
Entre 3.000 e 3.999 km	530 €
Entre 4.000 e 7.999 km	820 €
8.000 km ou máis	1.500 €

As distancias das viaxes deben calcularse utilizando a calculadora de distancias da Comisión Europea, introducindo a distancia do percorrido nun só sentido. Calculadora de distancias:

<https://erasmus-plus.ec.europa.eu/resources-and-tools/distance-calculator>

Para obter o importe total de cada mobilidade deberá sumarse o importe de manutención que corresponda por país e o importe que corresponda para viaxe por distancia ao país de acollida.

A axuda cóbrase en dous prazos: o 80% ao inicio das prácticas e o 20% ao final, unha vez completada a documentación.

2. Formación lingüística dos participantes

Os candidatos que teñan a súa mobilidade aprobada terán a opción de realizar a súa formación lingüística a través da plataforma OLS (Online Language Support) da Comisión Europea:

<https://erasmus-plus.ec.europa.eu/es/resources-and-tools/online-language-support>

3. Presentación de solicitudes. Prazo e documentación.

O alumnado interesado deberá formalizar a súa solicitude por escrito no prazo comprendido entre os días 12 e 19 de novembro de 2024, ambos incluídos, presentando na secretaría do IES Perdouro a seguinte documentación:

1. Formulario de solicitude, segundo o Anexo II da Resolución do 10/09/2024
2. Fotocopia do DNI, NIE ou outro documento oficial de identificación.
3. Certificado da conta bancaria de titularidade do/a solicitante.
4. Certificacións de competencias lingüísticas aportadas con respecto á lingua do país de destino ou da lingua de traballo.
5. Curriculum Vitae EUROPASS. Incluiranse fotocopias acreditativas dos diplomas, cursos ou experiencia profesional. <https://europa.eu/europass/es>

5. Calendario do proceso de selección

Unha vez finalizado o prazo de solicitude, o proceso de selección do alumnado continuará de conformidade co seguinte calendario de actuacións:

Datas	Actuación
21 de novembro	Reunión da comisión avaliadora e publicación da listaxe provisional de alumnado seleccionado e excluído, por orde de prelación, indicando a puntuación e a causa de exclusión, se fose o caso. Publicarase no taboleiro de anuncios do centro.
Do 22 ao 27 de novembro de 2024	Prazo de catro días hábiles, contados a partir da publicación da listaxe provisional, para a presentación de reclamacións por parte dos/as solicitantes.

28 de novembro	Publicación da listaxe definitiva de solicitantes seleccionados e excluídos, no taboleiro de anuncios do centro.
(Nas semanas seguintes)	A Dirección do IES Perdouro comunica á Dirección Xeral de Formación Profesional a listaxe de solicitantes priorizada e solicítalle a adxudicación das bolsas de mobilidade. A Dirección Xeral de F.P. resolve a adxudicación de bolsas Erasmus comunicando á Dirección do IES Perdouro a relación de alumnado beneficiario.

O feito de que unha persoa solicitante apareza na relación de solicitudes admitidas significa que cumpre as condicións requiridas para participar no proceso de adxudicación de bolsas Erasmus+ (número de bolsas limitado) que se levará a cabo na Dirección Xeral de F.P. para todos os centros que forman parte do consorcio, pero non supón en ningún caso a garantía de recibir a bolsa nin de realizar a mobilidade.

A adxudicación definitiva da praza de mobilidade e da bolsa Erasmus será efectiva unha vez se produza a aceptación do/a solicitante por parte dun centro de traballo de destino e se teña elaborada e asinada a documentación legal requirida (Convenio de subvención Erasmus, Convenio de FCT e Acordo de Aprendizaxe Erasmus+). A mobilidade e a propia realización do módulo de FCT no estranxeiro tamén deberán contar coa autorización do servizo de Inspección Educativa e da Dirección Xeral de FP (Orde do 24 de maio de 2005, DOG 13 de xuño de 2005).

6. Criterios de selección do alumnado candidato.

1. *Expediente académico* (máximo 4 puntos). Terase en conta a nota media obtida polo/a estudante no primeiro curso do ciclo formativo.
 - Se a nota media é de 6 ou menos: 1 punto.
 - Se a nota media é de máis de 6 e menos de 7: 2 puntos.
 - Se a nota media é máis de 7 e menos de 9: 3 puntos.
 - Se a nota media é igual ou superior a 9: 4 puntos

2. *Coñecemento do idioma do país de destino ou do idioma de traballo* (máximo 4 puntos).
 - Certificación de nivel B1: 1 punto
 - Certificación de nivel B2: 2 puntos
 - Certificación de nivel C1: 3 puntos
 - Certificación de nivel C2: 4 puntos

3. *Competencias persoais e actitudes* (máximo 4 puntos).

O comité de selección considerará para este criterio a valoración das actitudes e comportamento do alumnado, tendo en conta as opinións e a información dada por aqueles que ensinen ao estudante en particular, dando máis puntos a aqueles alumnos/as considerados/as baixo este criterio máis adecuados para formar parte destas mobilidades.

Este informe de madurez, actitude e responsabilidade constará de cinco criterios a valorar, que puntuarán de 0 a 4 cada un deles:

- Cumprimento das normas do centro
- Asistencia e puntualidade
- Trato respectuoso aos compañeiros, profesores e persoal do centro
- Actitude resolutiva, iniciativa persoal e traballo en equipo
- Orde e coidado do material escolar

A cualificación obtérase calculando a media aritmética das puntuacións dos cinco criterios.

Para poder ser seleccionado/a, o alumno/a deberá obter:

- Unha puntuación mínima de 3 puntos en cada un dos tres primeiros criterios
- Unha puntuación mínima de 2,5 puntos na cualificación resultante deste apartado de competencias persoais e actitudes (media aritmética).

4. *Persoas participantes con menos oportunidades* (máximo 2 puntos)

Valorarase a aquelas persoas solicitantes que por motivos económicos, sociais, culturais, xeográficos ou de saúde, porla súa orixe inmigrante, ou por razón tales como a discapacidade ou as dificultades de aprendizaxe, ou por calquera outra razón, en particular as que poderían orixinar unha discriminación, enfróntanse a obstáculos que lle impidan acceder de maneira efectiva ás oportunidades que ofrece Erasmus+.

5. *Criterios de desempate.*

No caso de empate nos méritos darase prioridade, pola seguinte orde:

5.1 Aos estudantes con menos oportunidades.

5.2 Aos estudantes que nunca participaran nas mobilidades do Programa Erasmus+.

7. Para obter mais información:

Na web do IES Perdouro:

www.iesperdouro.gal

Información no Portal de Formación Profesional de Galicia:

<https://www.edu.xunta.gal/fp/erasmus>

Web do SEPIE (Servicio Español para la Internacionalización de la Educación):

<http://www.sepie.es/formacion-profesional/index.html>

Comisión Europea, programa Erasmus+:

http://ec.europa.eu/programmes/erasmus-plus/index_es.htm